

沅
湘
耆
舊
集

沅湘耆舊集卷第一百二十二

新化鄧顯鶴湘臯編輯

長沙毛國翰青垣校訂

陳兵備繩祖 四十三首

繩祖字孝祐號絙橋祁陽人文肅公次子官內閣
中書歷戶部山西司主事軍機處行走木部郎中
出爲山東運河道甘肅西寧道廣東肇羅兵備道
著有苕溪游草素園詩集絙橋性退讓世家華廡
時以盛滿爲虞及其兄開府楚中卽求析產別居
且謝病歸寓蘇州之水仙庵左旣遭家禍奉母南
還遂抑鬱以卒宋越梯雲序其詩謂其往來吳越

閒愛吳興山水徜徉白蘋紅蓼閒筇屐所至無不
成詠王述庵侍郎湖海詩傳亦盛稱之今素園集
不可得見比從書肆中得其茗溪遊草一冊卽宋
越所序行者亟錄存若干首以明文肅自有令子
武子之賢非驥所能累也

錢山濬

纔過碧落湖卻入錢山濬錢山松雪殘稍稍青可望狹路
窮溪源臨流忽開曠午日泮輕澗吳檣壓高浪暖暖遠人
村隱隱樵舟唱羣峯莽迴合寒氣森相向似聞沙禽喧稍
見漁艇漾須臾衆網集銀鱗迫孤嶂布帆始安穩卻逐中
流放水國富蒲蓮居民避春漲余生楚澤濱茲遊頗清暢

尚住下菰城餘年差可養

雪後過碧浪湖望峴山兼呈李肯庵太守

出郭緬層巘雲木浮清波微陽薄寒氣積雪明山阿膠舟
冰始斷餘響風帆過歷歷沙岸鳥冥冥漁艇葦雉堞渺迥
嶺中流鬱嵯峨良遊按圖志山麓入坡陀明湖浩東注車
蓋相盪摩晁澆水晶闕崢嶸瑤島羅潘塘列上下浮玉轉
細麼煙嵐互明滅浩劫撐青螺結構宛在望隱見垂藤蘿
窪尊酒不飲苜蓿隨年多平原錫嘉名玉局此婆娑吾鄉
山水窟漢沔跡未訛登臨共今古慷慨將如何咄嗟碑頭
淚曩哲虛滂沱宇宙一過客滄桑本同科側聞太守賢民
有襄陽歌風流見耆舊顏蘇去則那酌酒臨碧浪嘯詠朱

顏酖

舍弟自豫中至書示

剝啄深巷門半夜傳汝至會面匪意測握手殊造次昔別
今已冬蒼茫慰遙思喜聞北堂安快聆百城治骨肉無參
差餘慮且姑置翦蔬酌春酒對牀忘展睡今夕復何夕
燭爛垂穗東方亦旣白從容叩來意倚闔念辛勤千里問
樵倅出門就外傳用副桑弧志此邦足文獻善事先利器
庶幾手澤存無令家聲墜秋風動淮潁行役嗟余季寂寥
遊子心無間鬱深愧瀾瀾河水疾渺渺嵩高翠舊約此悠
悠疇昔差可記官齋宛新構春色自明媚湖雁起寒沙爲
寄相思字

歲暮同人遊峴山卽事

歲事亦云累此身方脫然招邀同心侶揚舲泛清川出郭
已超曠近郊無市喧明湖浮浩劫碧浪相毗連林空沙逾
淨水涸腹彌堅洲渚莽迴互盤陀鬱蒼煙石梁亘修隄微
徑初黃綠峭壁撫妙墨形模渺難全碑仆巖厂古蘚憑龜
跌偏名同漢沔舊德政於此鑄遂令礪山石刻鑿紛相沿
浮碧一亭峙棧崩將壓焉窪尊聚屋漏久雨如澄泉平原
旣握爪玉局亦從仙來者方踟躕多爲塵累牽拾級逸老
堂滴翠嵌其顛老僧兩三人寂寞廚無餽弁山當北牖嵐
翠相新鮮屏風度鳥影積雪明蛟涎城中列萬瓦浩浩聲
喧闐園亭旣非古負戴盈船舫南望衆山集廣澤浮遙天

道場獨巍峩渴馬爭騰騫縱覽盡遺跡蕪沒悲前賢明霞
表新碣猶爲人所憐

新作雞埭小院中用杜工部樹雞柵詩韻

庭隅五母雞曹籠苦逼迫攢頭作人立施食不得喫彼慳
十笏場我娘三畝宅書室如郵亭夜半常岸幘驅趁且無
地休論遠分隔昔年杜潯花催兒樹高柵愈風賴生成塞
蹊斷形迹吾今踟旅次盤按遭跳擲亦擇牆東隅隙地大
如席甃磚作新埭迎顧蠅蟻厄處分將無同客况亦差敵
長鑿倚爲命畜此嗟何益昔人在窮蹇生理隨蕩析且復
及微細安安忘憾感秋風動故鄉一飲每一石此物充寶
筵刀俎未容釋遐哉荷篠翁何時度南陌

食筍呈吳興太守兼乞顧渚紫筍茶 并引

吳興紫筍詠紀唐賢顧渚雲魂名推芥櫝今則茶事云
湮農夫罷役空餘故院莫覩春國然露葉雲芽山川未
改陽崖陰嶺風韻猶存顧旅人無津逮之資茶戶有鱗
皴之患山前瑞草方試旗槍火後紅封誰勤選納自非
風流太守不足起廢詩幽庶幾孤悶寒生亦得除瘡去
癘儻蒙擷秀幸稍分珍

春濃參尾中斑犀滿山谷錦衣脫翠辭行列散婢僕折煙
出堯市束露趁朝鬻昨者入河洛屢問淇園竹未飫太守
饒已斷何亂肉物以少爲貴易地先刮目如彼齒肥人偶
亦慕山藪兒曹強解事家雞爭野鷺忍翦一寸心負此十

圍腹竭來茗花溪龍材饜樵牧日用常百五廚煙飽清馥
烏程釀霜稻典衣贖百斛削玉復傾紅使作山中祿吾家
湘岸林別來歲逾六雜沓苔痕穿蒙茸蕨拳臨此君實良
佐風味歸吾獨楚人得楚弓安知非厚福自注吳興人不
曾於今樂清令陳君夢騏座上食之頗以爲異陳亦吾鄉
人也遂以楚人善食山蕨相譚予笑曰君其問諸伯夷
襄陽有耆舊風雅意可弔實繼文梓州胸中千畝蓄君閒
愛賈收我客師仲叔微聞顧渚源紫筍森械撲茶院既荒
涼形模杳難復平生事幽討走挺均麋鹿儻及火前芽甯
煩使者贖

同人遊黃龍洞

金井出黃龍潛形窈千尺陰崖垂薛花玉筍削蒼碧春晴

速命駕松嶺快筇屐石林開龍堂巉巖遠如積洞門俄巋
然峭壁亘劍脊攀援闌艱阻俯瞰悸心魄神界鬱幽巖峻
嶒透天隙童童雲蓋青翩翩仙鼠白羣蛇走流泉野鴿護
靈液山樵強解事爲我說陳迹云是太古初蜿蜒於此宅
三年耽睡味燠旱千里赤居民苦祈禱舉首遍甘澤羣石
如浮漚陵谷紛怒擲復歸虛無底洪濛永開孽太守列禋
祀年例沈牲璧霖雨或愆期無勞鞭蜥蜴上有美女峰危
幢本逾窄太清三茅君乘龍侶仙伯下有鶴糧田一綫逗
泉脈詭怪難具述形名幻千百遊人昔不戒糜身類車磔
縣尹勘虛誣縣緬入幽僻他時金牌墮壯士期必獲深沈
六十丈寒氣襲肝膈尙爾及其半始見巨石隔洞旁仍有

洞泥封幾會闢傳聞海眼通天瓢帶潮汐茲言豈其然疑
信或參擇同遊頗嗟呀卻立猶踟躕平生窮薄命險語且
冰釋蒼茫坡翁詩漫漶山谷額憂來發浩歌芳草鮮可藉
稍轉更東上盤磴攢矛戟五湖別煙際吳越判指畫蜃氣
隱高墉黃金界阡陌乃知此山洞洞庭在肘腋巴陵一地
道汗漫適遠客江湖多風波日月困崩迫見聞既殊常卽
事聊悅釋明晨促分手良遊已同惜憾無終南舟儻假木
公翮

方等禪林去法華山里許爲汪氏家庵僧釀酒甚美
言過萬松谷初入楊梅塢修竹隱疏花清泉帶芝圃畧約
橫深溪雞鳴辨山午絕境不逢人衣上時沾雨

衲子去何處入山方采苦繞屋梅花開一溪風雪古春泉
隔人閒棟牀壓鍾乳指點問僧雛瓶中爲吾取

遊學士山

方屏枕蘇灣迴覺天地別竹徑圍茅庵似爲辛求設決背
失遠鳥帆影幻出滅日午無人聲松竹淨可悅遐哉眉山
翁流泉蔭清樾

吳興春蘭產長城山中爲樵人所致感而有作

若溪溪水來天目蟠盡青山三百曲山中曾有藝香人一
舸鳴夷遠相逐紅顏已入春草空蘭畹猶含五湖綠磔深
路絕往來少花似高人厭蹠幽谷甯紫州府塵樵斤偏
向重崖刷吳興生事頗艱難野客然桂愁炊玉此花擔上

不論錢且爲買取聊醫俗失身既落世網賤待價何榮售
何辱朝來日暖根荑枯橋南市兒如立鵠但令清供備
斗絕勝芻薪相縛束回頭豈似在山時太虛爲室月爲燭
風帆杳渺碧雲遠雨後香泥隔遙矚美人黃土何足奇開
遍春山紅躑躅

望道場山何山

湖風吹雲動山谷雪滿湖山亞羣木一塔凌空語曉寒翠
微閣外歸僧獨揚舫擊汰復負綠萬頃鎔銀遙炫目浦激
紆回積霰淨水鳥出魚閒自逐枯桑偃蹇蟠璫枝宿霧迷
漫隱高竹山頭古殿閉松關松風謾設石齒寒久聞清泉
照瑤席池上伏虎莓苔斑連峯稍稍隔煙樹小溪卻認何

山路書堂已作白雲空拱木應迷安定墓驚寒老鶴夜半
鳴嗚援亂挂禪棲處玉屏北亘山峯城北湖光飄渺中
四山幽映自白日布帆斜翦隨漁翁吁嗟眉山學士嗟廢
學後遊誰復追何公且向湖山事耕釣春來遍踏巖花紅

舟中望金蓋山積雪

華蓋一峯轉積雪明參差樵空松徑斷水濶玉蚪窺野鶴
巢林冷孤雲出岫遲年年老農望龍簡定無私

遊法華山諸勝

白石漁樵路松陰一徑深到門空翠密過水暗香侵臥碣
今何處雲芝不可尋我來仍徙倚閒聽老龍吟

松徑

縹渺危峯頂天晴見具區魚龍愁日夜檣帆落虛無春水

蘆芽短長松殿宇孤人寰真覺隘滿地一江湖

望湖亭

古寺標靈雀空山宿老禪至人留白業幽怪出青蓮松磴
雲閒雨湖瀟樹杪船妙香清秘殿窮子正儵然

法華寺

沾灑分松色潺湲激玉聲石寒沙蟹聚風急水禽鳴酒債
何人洗青蓮大地生寺門關九曲應解在山清

九曲湖

望弁山最高處

弁山環北郭青翠遍林間洞壑留神物陰陽渾太虛我來
分水竹及此問樵漁會欲凌峯頂高尋白帝居

遊西塞山登巖尚書震直墓小飲錢全州書閣

下若春流碧灣環入浦深古香殘雪塢肥運昔人心泛棹
水初暖浮家夢可尋豈無囊笠興高詠此登臨

寂寞元真子蕭條西塞山翠微仍白鳥流水自人閒塢隱
桃花遠魚肥泛宅還斜風將細雨閑容此行閑

高閣憑青野窗中豁萬峯新陰紅雨密孤寺碧雲重客到
尙書墓人傳仙尉蹤勝遊遲再往殘日下村春

次蔣樞巢見贈原韻卻寄

經時鴻爪託名邦更欲依人渡越江客裏移家歲將暮溪
前逢雪景無雙樵風有便朝登岸夢雨何時夜對缸彈指
梅花尋舊約新正纔破買吳艫

碧浪湖

碧浪重經打槳來平沙無際鳥飛迴長天漠漠魚龍曉春
穀鱗鱗荇藻開山色縈盤成島嶼人家疏落認蒿萊平生

雅慕鴟夷子望斷湖東大小雷

窪尊亭

石上猶存李相尊亭前空弔魯公魂
女人一醉竟千古酒徒落魄難重論
春雨多情苔自綠古碑無字手重捫
吾鄉聲叟真同調縹碧渚溪險酒痕

浮碧亭

浮玉山前碧落湖湖山佳處此亭孤
雲邊塔語晴猶響鏡裏沙禽冷自呼
蒼翠直通何弁曉清閒遙共霽茗趨平生
胸次吞雲夢指點滄溟小具區

自注趙松雪詩有玉湖流水清且閒之句

逸老堂

百尺軒窗俯翠微湖山猶是昔人非
當年觴詠推名社此

日漁樵共落暉
閒清春迴衆花發
陰崖鐘吼一僧歸
何人領取商顏意
未結簪纓早拂衣

滴翠軒

飛藁高架顯峯顛
翠滴嵐嵐侵瞰大
川窗裏猶殘弁
山雪雲中遙認五
湖船廚寒院靜僧
多臥虎踞虬登地
自偏危檻無人坐
林杪竹風松雨總
愴然

明霞墓

小碣明霞葬此山
魂歸猶自淚潺湲
澄湖月落開粧鏡
修竹風鏗隱佩環
慧業難消天意妬
風情須待老來刪
春林自灑啼鴉血
腸斷遊人日往還

壬午除夕

半旬春色動年華。客裏椒盤也。願花茗上雪泥。方住影江
南。兄弟暫爲家。經時夢斷。關河迴來日。萍浮道路賒。遙向
三川介眉壽。白雲親舍。渺天涯。

酬馮侍御浩見懷

蓮莊寂歷雀羅門。暖氣先迴黍谷溫。卻與楊枝增別憾。邈
來吳越一蓬根。

花驄萬里滯。君門素志宵期飽。與溫好向華陽求藥物。
茯苓多在老松根。

西崦採梅歸夢中得句

忽憶吾家湘水湄。溪邊萬樹竹邊枝。卽看下若環西崦晴。
雪壓簾春晝遲。

盆梅

移將春色下吳航，小几重簾巧貯香。
策衛祇愁筋力減，怕尋寒信入風霜。

瓷斗雲根蘚色滋，小屏山外隱斜枝。
居然月落參橫裏，涉斷羅浮夢覺時。

過眼容華數點春，小樓深院斷無人。
憑欄莫奏江城笛，一夜愁心滿白蘋。

東風何意到天涯，客裏懷人更憶家。
爲問溪南風雪裏，何人杯酒慰寒花。

折梅插土中戲題

健步初移遠梅至，更無瓶盎插橫枝。
浮生何必尋根蒂，且

看春華著土時

懷吳興李太守

扁舟水宿白蘋春
舊何煩問主賓
忽趁桃花渡江去
一時難忘謫仙人

公擇風流舊擅名
笙歌夜擁可憐生
回頭樂事成塵去
但有雙溪與濯纓

六客虛堂夜不扃
畫圖相見眼猶青
無端更聽山陽笛
淒

絕中郎有典型

自注李嘗以後六客圖見示惟時鈕君駕仙已謝世酒闌燈施相與飲戲者久之

燭跋尊闌語漸多
圖成三客訂重過
臨風寄語吳興守
奈

此鷺溪素絹何

自注時李欲以比部郎宋君梯雲與予繪三客圖未就而別

令伯陳情苦未休

自注李屢請終養

築隄捍水尙勤求
十年老守

心如鐵不遣三江坐斷流

自注時三江淤塞震澤不能宣暢李建議疏濬以去淤爭之

陌上人歸草自薰故山猿鶴愧移文秋風定作長安客何

日重來更御君

按李太守字育堂亦楚人宋梯雲序云時育堂守吾郡與桓橋生同里好古同志相得甚歡唱和無虛日據此育堂亦詩人而循吏者也惜不詳其名備錄此詩以俟考

陳教諭惠鈞

十一首

惠鈞字幼鴻武陵人以廩貢官瀏陽酃縣教諭有

芷閣閣集幼鴻家武陵西城所居有絳附樓頗擅

林壑之勝今歸趙氏余客朗時文恪公子惕吾孝

廉廊麓學博兄弟招飲其中園有刺柏一株橫出

牆隙掩映荒池欹榭閒致有畫意主人指謂余曰

此詩人陳幼鴻所手植也爲低佞者久之

麓山病松爲樵人竊去其皮

麓山五松樹種植迷歲代今秋病其三顏色落深黛風搖
根尙蟄日炙葉猶凝方冀陽和至重整蒼官態窺我渡江
去剗剗恣鼠輩朱張不可作歸然古壇在此松甘棠等過
之拜常再誰遣老龍鬣一朝委榛薈典守與採樵其罪安
可貸少陵詠病柏歲寒寓深慨元精理難求聊以一尊酌
嶽麓山房東壁新開一窗詩以記之

伊昔張橫渠愚頑判雙牖程子爲易之東西銘不朽茲室
故生白願嫌東陽蒞呼匠鑿堦垣南楯映成偶蒼翠諸煙
爨座中挹八九帆影一江明花香四時有絃誦答潺湲依

稀鹿洞口

白注朱子白鹿洞詩故作軒窗挹蒼翠要將絳誦答潺湲

觀聽信足娛返躬

未免咎廢學抗紅塵挫志惟升斗草堂此竊吹三翦春畦

韭

白注余以癸卯季秋奉檄監書院

投罇方來遊松桂帳虛誘坐對玲瓏

窗母乃顏之厚今年庶少暇時接論文友先賢舊名義亦擬書左右仰止良難幾素心期無負

淨亭落成用歐陽公滄浪亭韻

周子種荷淨亭前賓從唵賞饒瓊篇羸疏如我與座末泚筆亦復神怡然簷楹結構具新意坐攬萬琲露珠環新芬狼藉襲尊俎豈直鼻觀濡芳妍喬基實爲舊躬圃歲久嘗偈民居喧文軒曹子事搜剔憑眺城闕連青煙得此遽成郡名勝知爲高下皆因緣六橋流芳故無歇經手白傅還

坡仙只今好事麓山老百泉菴焚香無邊都講我亦池中
物此樂甯數雲夢田側身東望舊遊處紅雲碧浪空淪漣
惟君心跡足韻頰不須更乞司業錢濂溪先生說自好亭
亭故物君應憐秘馥幽香遠亦著要以不染全其天願我
問奇諸英俊相與珮服凌驪淵養成士氣亦如此氤氳曲
檻供酣眠風月無價賞無限卻殊結社匡廬年醞醑且恣
筆筒飲新詩奕奕誰留傳

以藏香爲莊丈復齋生日壽

婆律喻菌老叩夔嵐薰瘴染膏不蝕解事毫鬢縱斧克九
和三勺何翁炮火蒸奇芬溢桂闕卻亂天半紫霞色闕思
知見了無忒先生記別衆香國持是爲壽稱馨德一門羣

從盡雲翼孝先經笥先生特四載虎皮朗江側蟾宮拔蹟
足矜式大年已是古稀逼烏絲足灑麝香墨撲簾花氣只
簷荀半鷗新茗笠蹠獸乘几博山試小熄碧醇氤氳晨迄
長書城應作靈芳域雞舌空含上左城蔚宗比類幾千億
刀圭第一還摧抑世氛那復一錢直鬱鬱古香擁硯北

哭通政錢南園先生

噫吁噉我公之德之才遽至斯哲人挺生元爲時抱負胡
弗竟其施茫茫彼蒼尙可知公來萬里昆明池對策鴻筆
殊淋漓九重動色爲嗟咨遂令趨侍文石墀風矩巋然
超等夷冠以豸冠固其宜公之肝腸鐵石爲夙夜矢報岳
不移立朝讞讞言論危肯恤羣小爲司噉時則海岱有狼

罷公埽除之不費辭中外貪墨風爲衰况復齊魯黔黎歌頌口成碑 天子嘉公不予欺申命往作三楚師柱石終當任臺省河江暫挹瀦零畸公訓我士嚴而慈沅湘六載春風吹拂拭騏驎登雲遶詭意風木艱再罹倚廬哀毀週四期服闋戀 主重驅馳舊巢仍棲柏臺枝惟公忠誠鏤心脾始終一德無缺虧世方幸公台鼎司調變恩膏濡八陲聞公訃音俱涕洟相弔惘然如有遺某也最蒙青眼垂十有四載迄於茲西風丹旆朗江湄哭公豈獨爲吾私

絳附樓池上舊建小茆亭號夢草丙午解職歸亭就傾勝字剝落已酉春重葺之覓太湖石數枚疊其後署以小崢嶸摘黃涪翁題竹石畫句也事訖攜酒獨

登得詩六章

一閒茆舊構三品石新名遂有攬雲意聊攄坐月情瘦仍
成壁立奇欲與峯爭把琰還相酌毋爲世網縲

小築都經手閒荒久未披幸留三徑在甯計數椽歆筍籜
添茶竈階苔沒履綦憑欄此危坐心事百花知

不復安籬落還從挂薜蘿選幽非避俗容客本無多碧藻
魚羣泳垂楊鳥一歌底須稱小隱飄笠向巖阿

頗笑濫吹竽先生計太迂雪鴻空指爪自注瀾署創置雪鴻書屋春雨

渺煙蕪自注長沙購邸舍顏曰春雨堂舊夢松應記新盟石勿渝蘭尊與

唵榻一日不教孤

小沼無源注灣碕忽湧泉自注池舊不通泉戊申夏五亭石下忽圻一眼清冷特異地

靈敢誇詡瀟灑若爲緣逸賞湖山外幽棲菌桂前始知米
家老端拜定非顛

疏剔聊容膝眞同罷講僧小橋晨釣雨虛閣夜唵鐙坐對
忘言象因依只硯礮香山舊池上琴鶴是賓朋

陳縣丞詩涉

六首

詩涉字箕仲武陵人宗五鴻博長鎮子以附貢官
廬陵縣丞有集

卽事

騎驢誰氏子采采度芳叢雨露千畦外乾坤一笛中雲泥
隨所置車笠漫相逢我亦尋春遍低回愧牧童

對雪無佳句

對雪無佳句寒光入望虛九天紛唾玉孤雁自銜蘆放眼
刪詩後遊心一畫初希聲常在抱雕刻復何如

京邸偶成

清尊露坐客衣單酒罷狂歌興未闌秋色一年今夜好鄉
心萬里九霄看誰家玉笛關山怨側耳金門天地寒迢遞
家園俄隔歲小兒已解憶長安

江城雜感

煙濃草澹總堪悲潘岳閒居有所思楚地新鶯求舊友吳
山昔雨憶今時心隨遼海鴻千里人對湘江酒一卮我欲
與君同變化雲龍何處更相離

信陵義氣倒崑崙雲夢曾經入九吞燕市不堪埋駿骨夜

泉何處湧詞源半生秋實空朝槿
六代春華有暮魂金谷好尋舊遊地
月明桃李已無言

時清不敢臥蓬蒿玉殿鳴珂雉尾高
喜見春曹興禮樂還聞瓠子靖波濤
臣心竭後宣防塞學海乾時砥柱勞
北極王褒仍獻頌彼姝何以答旌旄

陳昌平及祖一首

及祖祁陽人文肅公子直隸南宮縣知縣昌平州知州

憶祁山

祁山高峩峩羣巒如聚族萬疊杳靄閒
高低騁遊目九嶷相與青碧雲迷其麓
秀色撐晴空翠黛皺滿幅想見丹崖

翁此中卜幽築何時挂冠去與子同空谷

邱總戎中玉 一首

中玉字朗如一字璞齋黔陽人玉瑯隱君五世孫
乾隆中以從征金川功累官台州副將遷平陽鎮
總兵

還家偶述 有引

乾隆丙子外出從軍丙申秋因便還家盤桓數日月流
園景象歷二十年猶如昔也家宴之頃感而賦此

僕僕征途馬上身廿年鄉夢繫風塵歸來偶值登高節喜
極還爲太古民泉石留題多老輩園林歷劫憶先人兒童
父老團圓會話到更深不厭貧

曾貞豐艾二首

艾字同俊一字虎卿號雲谿新化人以例貢充四
庫館膳錄議敘州同分發江西權知樂平廬陵安
福諸縣有能聲以憂歸雲谿負經濟才慷慨有大
志乾隆末辰州苗變嘉慶改元忠勇貝子福康安
公督兵進剿雲谿詣軍前投効貝子與有舊雅知
其能倚任甚至貝子薨補貴州永豐州同駐劄冊
亨甫到任狎苗繼叛冊亨土城單薄率兵民堅守
四十餘日援絕城破全家遇害事聞 贈卹如例
廕一子予世職尋改永豐爲貞豐雲谿少隨其父
承姒官甘肅揮金結客類豪公子所爲中年後折

節讀書工書法絕類華亭韻語流傳特少黔中送友一首得之礪東口誦礪東集中有送同俊之辰州征苗及哭同俊殉難詩亦見余南村草堂詩鈔所稱五君子之一也

黔中送友

客裏難爲別春風送遠行
飛花明驛路落日照邊城
愴懣虞翻骨噲吟夏統聲
黔西天萬里揮手淚縱橫

失題

春風拂面馬頻嘶
淺草平沙踏絮泥
最是客遊驚物候
綠楊村裏鷓鴣啼

方兵備應清一首

應清字秋鑑號澄湖巴陵人貢生歷官山西榆林
知縣朔平知府遷雁平道以乞養歸卒於家秋鑑
爲周謨撫部之孫友蘭巡道之子明習吏事詩不
多見僅得一首方氏自中丞以下祖孫父子皆起
家守令至封疆監司世傳治譜以經濟著詩非其
所畱意也

春望

東風吹客醉遙望思無窮
遠水連天碧閒花隔岸紅
勞鴻歸塞北倦蝶過牆東
妬余煙波外飄然一釣翁

張汾州力行 五首

力行字碩堂號柏廬湘潭人由浙江樂清丞歷官

海鹽平湖知縣東海防同知擢山西寧武府知府
調汾州府知府有雪鴻集是集刊成其子慧田壺
山始出以見示蓋經陶園詩老所點定者其詩真
摯如話可存者多惜不能備錄

乙巳仲夏內子南旋奉母詩以送之

衡峯鬱嵯峨湘水清見底春風送歸帆丁甯語鄉里憶昔
謀祿初意非榮顯仕升斗 天家精叨藉娛甘旨我母
欣就養衙齋眞樂只一官羈浙河冉冉逾兩紀母豈不戀
兒老懷眷桑梓歸夢依舊廬牽裾不能止言念同氣人兩
兄先亡矣有弟初服官閩海遙陟屺我尙紆尺組碌碌無
停晷乞養書屢陳例格那由已中夜聞號烏淚落如江水

此意惟君知非君孰我體君歸能奉母婦職可兼子鼓楫
利行涉長川何渺瀰想得到家時我母倚閭喜爲我縷陳
情一一竟端委先檢嘗羹圖

自注做裝前繪嘗羹圖小照

次將家事

田園得無荒精勤課奴婢祠墓或久疏時祭煩料理最要

義方訓諸子皆君恃長者年及壯身範宜常啟

自注余舊著身範錄

兒輩各授一冊

少小亦成童蒙養自此始女子雖非男亦關門戶

計次女行結褵內則勗櫛紉勿謂尊與嬖涓陽親可倚婦
德凜非儀恭慎始爲美百事繫母心慎勿忽纖細我雖滯
海濱有姪堪指使離別何足憂所願悅親耳翹首湘中雲
極目不能已相期待我歸齊眉奉醜齒早晚侍寢門咳南

樹蘭蒞

在大龍莊枉贈長篇依韻卻寄并以志別

憶昔南轅初牽絲來浙地本謀升斗需庶免門戶替三度
歷禾城上官意勤摯寅僚皆夙好交懽若昆弟君參庾臬
蓮卓行泯羣誹隣疆帶水近幕僚頻其事辛勤著藥言立
論期佐治往往履綦臨公明動官吏遂締金石交淵源溯
所自煌煌雙節編曾閱見真意感君天性重怍怍驚夢寐
君孤我亦孤手澤猶在笥發讀涕漣如悲涼感前懿中夜
燃脂書更籌數三四始祖遷潭州創構原不易絲延四百
載追遠倩鄉使表節弁闡孝實錄匪虛寄壽萱年德齊贈
言如櫛比彙成垂範集君爲發凡例字字出心裁勾稽必
曲至綱舉目盡張搜抉無遺義更念譜系繁及時須次第

不辭墮指寒爲我訂同異全憑錫類施藉得竟初志哀然
各成帙感荷結深闕君今行就銓騰驥自此始相期在遠
大甯止較文字張趙及龔黃飛聲慰遙企道義素蓄積出
處原無二所望稍委蛇上下慎交締行方知欲圓此中有

微致臨別聊贈言芻蕘出情契穩步上康莊毋令招時忌

案注君名輝祖蕭山人著佐治藥言新城魯仕驥
片之至以歐陽公不受范文正陝西幕辟爲比而
盛稱其人以義正已卽以義處人凜然自重不苟
去就有古人之風其書自敘更詳見鮑氏知不足
齋蓋亦有道之士也此詩
非泛泛應酬可比故存之

僕守寧郡一載有餘土瘠民淳相與安之今年春量
移汾水得署守李司馬書弁詩見寄盛稱張姓還金
事索余詠且歸功於余夫旌善以勵俗守土之責也

若謂以德化是貪功也則吾豈敢因附詩冊末以答之

自我守樓煩蒞事一載餘民風近淳樸民情無詐虞刑清
訟亦簡寥寥稀簿書何期奇特行傳聞出里閭張姓乃細
民列肆在路衢一朝拾遺金還之無躊躇不欲令人知甯
復干令譽此事古所難况在今人歟真堪矍澆俗亦足厲
廉隅爲之稽時日乃在二月初我方荷量移未及旌其廬
邑宰好義者召至優禮殊詢其還金由琅琅肝膈攬小人
賦命薄旦夕謀錙銖兼金三十斤將以府庫儲蓄此必不
祥將恐起禍樞不如還之便守分安吾愚是時李太守攝
篆剛下車畱心厚風俗聞之大嗟吁作詩紀其事字字驪

龍珠郵函盛推許索詩如索逋自慙無善政何德以當諸
巴人下里辭高詠媿弗如吾聞裴晉公卓行比名儒又聞
管幼安揮金但自鋤世風不古若見利懷覬覦得金乃返
金求一萬中無急宜陳大府還將奏 天除旌善以勸
事廉頑立懦夫

案雍正開各直省舉報遺金者

諭令宣付

史館旌表以厚風俗晉大父巖隱

贈君有還

遺金事在康熙中年事載新化縣志至今鄉里父
老猶有能言之者顯鶴兄弟擬就其地建還金亭
以述先德
尚未果也

平湖縣署落成

丹碧毋煩飾綺疏得饒容膝卽安舒何妨堂進茅容黍已
喜門無羊續魚閒燕堂坐來監鶴料詮香齋行處聽兒書

泥金果遂稱鴈樂自注今秋爲老母七十稱鴈官舍次子經田獲舉鄉薦不負平反

慰起居

巍然堂府氣深沈坐理難憑德政臨三載聞琴滄海路自注

予由海鹽調署平湖聞琴臺在海鹽廿年捧檄白雪心弄珠舊事徵完壁自注

東湖弄珠樓向有董思翁石刻後失去百餘年予復購得之早物新猷愧作綵階卻規

摸傳志乘抒懷應共植花吟

沈湘耆舊集卷第一百二十二終

沅湘耆舊集卷第一百二十三

新化鄧顯鶴湘臯編輯

長沙毛國翰青垣校訂

黃贈君士對

八首

士對原名孝悃號橙邱善化人乾隆丙午舉人以
子友第贈武陵縣訓導有半川山莊集贈君性豪
達嘗薄遊齊魯閒遇盜於武城同舟惶懼君徐語
曰公等不過利吾財耳罄所有與之盜笑曰財幾
何但服汝膽與寧鄉朱賢超葦莽交雋葦莽狷士
詩有奇氣贈君才力與之抗有失雞行詼奇譎詭
不失爲滑稽之雄過冗未錄

橘洲雨眺用杜工部次晚洲詩韻

湘浦橘洲浮登眺興殊壯天地忽黯慘咫尺各異狀白浪
夾檣奔溼雲緣嶺上危樓聳中央杳靄空無常環珮溼陽
臺蘭芷益惆悵須臾蚌吐胎欸乃歌聲放

偕張子田遊嶽麓

兩月麓山住總不到山頭非迂亦非嬾戒作尋常遊憶昔
此燕修兼旬恣遐摻朝登雲麓宮暮尋南澗流心冥決飛
鳥意恣山靈愁作書寄我友石髓偕鏤鏤隔歲再至止山
容如故不橫豎看峯嶺渺焉寡所仇固知山眞面不惟險
且修我友張子田貌寢志殊尤探我讀書屋要我窮荒陬
凌晨嘯儔侶有鳥鳴鈎輅是日不雨晴輕陰藹林丘仰攀

遍緝闕俯視橫滄洲一氣涵混茫安知沈與浮迴身陟其
顛絕頂豁雙眸諸峯露頭角無有如此幽指點理難憑虛
無焉可求此如古至聖虛衷萬里周又如學者心惟靜恆
悠悠平生觀物我乃與麓同謀由來至理發端必藉朋儔
持此贈我友一洗山靈羞

述懷酬暢庵五兄

梧桐生朝陽萃萃垂修榦鳳皇鳴高岡嗶嗶及清旦男兒
務成名豈不貴疾悍嗟余邁屯阨已分青雲斷再拜誦瑤
篇感愧背交汗愧極已顏赧感極尤扼腕我祖起江濱巍
然樹鄉貫長安舊車馬都邑新門閤衍世閱兩朝箕裘共
璀璨吾邑聲最舊名賢繼炳煥著書南山陲聯鏡玉墀畔

屬狂大湖南競指星沙冠如何漸寥落榮枯驚代換此事
期共濟厥功抵迴瀾吾兄氣鬱勃斯道尤堅驛驚集青霄
迴鯨奔滄海判詞壇宗髦彥臺閣屬耆幹况乃力殊強二
毛亦何憚君行擁前旄我願隨鞅絆騏驥不伏擺馭駝辭
款段朝登金馬門暮宿白虎觀崔家戟魏煥貢禹冠燦爛
八葉舊風流金張安足算斯意竟何如眷言託柔翰

酬朱鞏庵謝扇元韻

我從鴛水返山徑白鷺蹴梁舞奔瀧復從嶽麓抵舊館赤
鳥鼓翼相聳撥招疊手函雙白羽質輕體薄不容扛故人
朱君素靜者合以遺之馭風幢豈知靜者思多妙凌風怪
發劇難降駕天高浪委虛壑烘地烈日湧飛涼繫余研句

如轉磨對此卻類蠶穿窗輕含細嚼不得破不覺突怒聲
喧龐亟稱此傾殊多事唇鉤舌棘自驚懼翻憐語妙歸安
石擬市五萬供揮撞扶風班生賦白綺誰與贈者眞癡蠢
歲詩可許編杜集卻令大手擅無雙

朱璞齋丈挽詞

夙有平生契名山令子俱自注丈仲君韋庵與余暨雞羣
看紹立鳳羽想超殊傾蓋歡猶舊登堂約不渝十年成底
事一口哭諸孤

落月悲何處披雲幸有緣氣眞彌澗谷道愜空蹠筌事業

原鑿帖行藏讀易編自注丈著有讀易却說山中多小草

餞我赴賓賢

自注丙午余館
丈家壘秋獲雉

沈氏文集卷第百二十三
三
憶挈阿咸子重過陸渾莊吟風揮玉塵坐月解瑯瑤爲辦
諸劉業還傾兩謝筐嗟哉萬古別盡此千秋觴

自注丙午
余與雨堂

同傾鄉薦因借謁
丈畱伏七日別

編車趨舊徑空有竹成園誓避西州路翻開東閣扉春風
思茂叔秋月憶元暉及此棲松嶠何能不累欷

李舉人泊朝一首

泊朝靖州人乾隆丙午舉人

九日酬所知

記得前秋落帽辰吹臺登眺倍思親汴梁風雨徒羈我禮
部文章未致身三徑歸來憐菊冷五峯高處怪僧貧許多
佳節都虛過慚對尊前幾故人

歐陽教諭鈞 一首

鈞字甄川新化人乾隆丙午舉人官會同善化教

諭

學署遺懷

依然苜蓿寄生涯鏡裏驚看兩鬢華
曉日呼童忙曬藥晚陰扶杖漫移花
清閒博得惟耽睡安樂分來但煮茶
最是前山山色好白雲堆裏住人家

王舉人洪 三首

擬古
洪字書江長沙人乾隆戊申舉人有花若山房稿

金谷繁華區泊遊良多歡春風况披拂
鮮藻流華丹青

女蘿枝攀條出雲端眾許臭味同微聞泣盡蘭有鳥嚙其
鳴習習搖風翰哀音從過鳩羣芳各摧殘自持良獨難去
去不足觀寄言向竹柏汝今歲已寒

故衣不如新未忍棄空箱故人不如新莫問繡短長春游
桃李園秋涉芙蓉江愛憎時既移衰謝祇自傷傷哉采薜
蕪長跪故夫旁

遊嶽麓寺

上方隨喜不聞喧叅破菩提自在根落日深山千里短
籬疎竹一家村憑空翠滴芙蓉溼到處泉分藻荇痕清磬
數聲敲未了近城煙火傍黃昏

龍贈君先法

一首

先法字克遵號邃庵湘潭人乾隆戊申舉人以子
瑛貴贈編修有雪舫文集

將之衡州謁鑿石草堂

劔閣南歸感鬢華還將行宅託湘涯崖前嶽色三秋展澤
畔吟情兩岸花人去薜蘿亭館寂客來黃葉雨風斜嚴公
高道今猶昔似欲相隨八月桂

侯頓邱登元三首

登元字桂軒石門人乾隆戊申舉人直隸頓邱知
縣

遺僕賫家書回

家書珍重達去泛洞庭船我有還家夢歸應在汝先

歸家

猿鶴應嘲會面難
頻年生計託征鞍
而今誓向空山老
生怕逢人尙說官

劉司戶墓

墳草離離跡已陳
至今大雅未沈淪
文章若以科名重
君是當年下第人

姚舉人定益

七首

定益字泰臨武陵人
乾隆己酉舉人有鼎南詩草

感賦

昔我比翼日展帳
青銅鉤窈窕鳳曲頸
荇藻精雕鏤帶以
朱絲繩綴之紫錦毼
分頭列左右晨夕職
展收收時鴛夢

合展時窗日幽炎涼意不改並肩侍衾稠西風吹落月嬋娟
媚墜西樓枕冰結春宵衾鐵冷知秋無與勤拂拭繡澀慘
昏蒼有如矢志人面目嗤塵浮盆沙滌清泉磨刷光炳彪
文采一以發昔美似今不藉施梅花帳臥晒增煩愁物故
尙能新人故那可留

雪中和梧亭蠻刀歌

海天萬里三日雪層冰戔戔光皎潔 天兵十萬翦鯨鯢
自愧書生手無鐵公子蠻刀來寧州治黃鍊白兼剛柔秋
水 條瀉寒碧芙蓉焰焰晴雲收自言老父氣無敵憶昔
蠻荒鏝叢棘蠻刀落手五十年每自摩挲三歎息短衣單
馬曼胡裝海魚製服韜寒芒撥巖直使山魃匿渡水驚說

蛟螭藏公子談兵心未已闕南况值煙塵起有鋒不試柰
刀何俠骨焉能老軹里

曉發伏城驛宿灤城

清曉伏城發斜陽駐泊河路從天際轉春向客程過水渡
淖沱瘦山臨趙代多灤城今夜宿不柰旅愁何

鼎州滄浪水

自注滄洲古驛太白
遊此有誓發辭詞

詩家託興說滄浪我住滄浪水一方從古擅名先嶠冢祇
今入海合瀟湘酒船載月天光碧鐵笛吹秋掃影黃獨上

驛樓懷白玉梯佇立晚蒼蒼

自注李詞有玉
梯空佇立句

過道林寺因探芝雪波堂留飲

自注是
日立秋

避暑曾耽河朔飲就涼因作道林遊寺環青澗葉初墜隴

捲黃雲杭正收苗舊妙香開雨霽迎陵清梵出巖幽猶餘
躡石尋三秀山翠湖光恰到秋

喜亦何手

湖山十載憶相隨復睹彭宣到講帷袖裏定攜新樂府別
來猶著舊荷衣酒闌燈地關心切白日朱繩警服非莫負
桃花巖伴月不妨真作白頭歸

枉渚

杙渚殘陽卷白波雨餘嵐氣染晴蘿船頭笠簪閒於我臥
看金霞擁翠娥

蕭師宗大經二首

大經字雲巢善化人乾隆己酉舉人官師宗縣知

縣

長沙竹枝詞

橘洲楊柳綠
差差洲畔人家
短竹籬好是
瀟湘新雨後
船篷斜日曬
鸕鷀

昭山山下晚煙微
鶴子巖前白鷺飛
一葉輕帆來遠浦
郎從南嶽賽神歸

謝緜山玉綵一首

玉綵字柳湖長沙人
乾隆己酉舉人
官緜山縣知縣

嶽麓西亭呈山長羅慎齋先生

斜陽信步過芳叢
笠影棧森別徑通
荷沼碧撐圓似蓋
柳

隄青繞曲如弓在，山泉好心常定繞。郭煙收眼一空丁，栽
雙梧重回首。阜比趨侍素懷同。

白注城南有
雙梧小榭

段教諭立敏 一首

立敏益陽人，乾隆己酉舉人，官城步教諭。

余守備詩和王九溪先生作

入達嶺上鳥飛終，入達嶺下沙如雪。折戟難消古劫灰，知
是何年戰爭血。塞上書生古鬢眉，自言家世居邊陲。秦晉
寇氛聲息警，駐關守將真男兒。揮淚誓師同敵愾，身先士
卒忍調仇羽書。告急監軍怒霽雲，指斷無能爲堞樓。聶雷
賊辟易，但能一發佛郎機。通判者誰，貴國子平時傲岸輕
武士，反顏爲將。將軍只道將軍亦怕死，白金五百將喫

誰視棄雄關如傲屣長劍在匣吼蛟螭將軍佯許豎降旗
虎視魏門伺賊入一空獵沙中推將軍英姿豈多有可
憐莫展擒王手喪元帥一出自裁屹立如山可無首至今
憑弔久歛歔只記將一姓余芳聲軼事留空谷稗官野
史未嘗書我聞此一息明社披離勢孔棘撥亂反正
乏奇才究竟思陵無失德吁嗟咫尺壞長城彗星直入纏
宸極寧武忠魂血未乾死爲厲鬼同殺賊當年通判等死
耳相逢地下何顏色

賀舉

德湖字尺霖號洋

守鄉人乾隆己

舉人與兄

定陶君德瀚齊名

年五十卒後

年定陶殉

難死諸孤幼穉君妻文氏會同教上杰之女也
賢明有識教其子懋懋懋發名成業而賀氏復
振是集垂成懋懋以君與定陶君詩來爲選存之

哭陳漁恬有序

陳子漁恬負雋才早知名與德澍交最篤性情學識直
追古人今年秋以病夭名士之厄未有如漁恬者也以
漁恬知我之深待我之誠我不哭漁恬誰哭漁恬者隨
所記憶拉雜成篇且期與天下後世惜才者同哭之終
不知地下人許爲知否也

人生天地閒有如魚在釜百年同歸盡俄頃漫誇詡賤子
志四方雲夢思吞吐攻玉借他山直欲遍區寓瀉西距攸

輿一水衣帶阻靈秀鍾司空名流著藝圃君家門才盛淵

源歷可譜昔在勝國末節義光吾楚

原注開之來學兄弟殤難甚烈

史占

實儒俠

五

聚耳臣亦盟主

五

鼎流傳至我

朝桃文力如虎之

堂堂先太史

體齋先生

繼起樹旗鼓子今何爲者弱齡遽如許

引重徧公卿望風交編紉賤子昧平生一見不我拒定交

杵曰閒至誠感白甫憐我憊且直憫我愚且魯論古卑羸

劉握手憤肺腑文章憎命達按劍徒遭怒得失何足道轉

眼成宿莽猶憶客冬初風雪泥途苦揮手城南隅有懷不

得割槍惻各無言欲去猶延佇豈知竟永訣玉樓特召汝

二月棹歸舟音耗梗江滸

原注蕪柘隨其尊人度歲長

孟

夏靈麓遊依依訪舊侶竊聞攸人言膏肓仇二豎亟遣問

消息我氣已乖沮天末雁飛回發書權抹舞如何未過旬

惡耗來逆旅鬼伯胡不仁天道太齷齪

原注體齷先生古道照人宜昌其後

天道茫茫

一至於此昨歲鶻鶴原今茲折珠樹多才例殺身相繼埋

黃士

原注漁恬仲氏亦毀於去夏

豈其傳非眞日月歷可數自非范巨

卿不聞元伯語頓足頻撫膺奚啻傷一股萬里行正遙出門車失輔有蔽孰余聞有過孰余補斗室夜鐙青芭蕉颯寒雨浮生二十餘肝腸爲君腐哭君君不知悠悠竟千古

檢漁恬書籍寄歸令弟係之以詩

楚天漠漠路漫漫浩劫空尋再面難詩酒一生成薤露文章千古東桐棺壁閒遺蹟嗟塵苑篋裏殘編忍淚看珍重寄書須什襲知君展讀劇辛酸

鄒通渭應昇 一首

應昇字照輝新化人乾隆己酉舉人歷官甘肅西
和渭源隆德通渭知縣通渭之祖嚴乾隆辛酉舉
人父學楠邑廩生兩世皆以經學教授生徒爲里
中名宿無詩可采通渭詩亦止得一首

送人南歸

故人一樽酒送子隴西門惆悵客中別殷勤醉後言窮選
人易老薄俗道非尊各保歲寒志他年對榻論

楊教諭經培 一首

經培字書堂寧鄉人乾隆己酉舉人官巴陵教諭
岳陽樓圖爲劉生作

劉生宦遊指鄒魯征帆一葉來湘浦與我同登湖上樓興
酣落筆馳風雨淋漓醉墨紛縱橫湖山萬疊須臾成能事
不嫌相促迫畫意奪我詩中情我來東陵官最冷平湖日
閣千帆影他年此圖作臥遊醉吟恍在君山頂送君旅食
京華春我衣久拂邯鄲塵岳陽樓上千觴醉朗吟飛渡今
何人詩情畫意無定稿筆所未到意先造江鄉鱸魚秋正
鮮何不添寫季鷹船會須同君十日飲染盡巴東九萬箋

蔣解元湘壩一首

湘壩字崇如湘鄉人乾隆壬子舉湖南鄉試第一

一 洗筆池懷古

永徽遺跡留清池一碧半頃堆琉璃苔色淒淒映江綠崇

氣馥馥浮雲馳池上有廟繪古象我來展拜魂神爽千秋
臣節凜冰霜一片丹心走魍魎猶憶當年顧命時佳兒佳
婦卿扶持先帝胡爲作此語毋乃早見恩乖離當時才人
正入侍何不早翦鸚鵡翅嗟哉禍水起波瀾撲殺此獠方
快意公不奉詔心如鐵凜凜生氣天風冽潭州去國幾千
里孤魂飛作炎天雪行部偶來湘浦口濡筆徑展錐沙手
至今池上風雨夕彷彿猶似蛟龍走千秋事往如雲煙卻
想臨池讌集年狂歌歡咏亦偶爾長安不見應潛然神龍
御天唐再造洗日虞淵甯足道孤臣曲突竟何爲零落豐
碑臥秋草誤國李許名誰馨精氣蟠鬱池爲靈我欲從公
乞筆札寫詩上續離騷經

張府丞懋田十首

懋田字希宗一字春農號蘿山湘潭人乾隆壬子
舉人官雲南麗江府丞以事謫戍伊犁道光戊子
與平回逆功放還有吹蘆吟草

長流水偶遣

長流聲不絕何處問泉源地拓平沙迴天包大野圖征夫
頻入塞老將更憂邊自注謂楊官保恭贊飛羽昨宵過樓蘭首誠傳

山羊墩

斥堠近相望輪蹄竟日忙秋風嘶匹馬枯草啣羣羊日落
塞眞紫雲屯天盡黃零星遺廢址云是古邊牆

望終南山

太乙峯高翠黛皴縱橫千里浩無垠陰陽厓壑連秦楚且
暮風雲護鬼神信有金銀誰識氣須防豺虎此藏身我來
未遂登臨願空羨王嘉白隱淪

題邊芸坪紅山竹枝詞後

幾度徵歌別綺筵風流名擅劈蠻箋塵緣已醒夢中夢詩
境重開天外天底事窮愁同杜老有時放曠學坡僊竹枝
傳唱劉郎徧聊把閒愁託管絃

范雪樓次韻見和再疊前韻並酬金佑之遊擊

十載君能耐遠邊端應相賞漫相憐要知絕域皆詩境豈
獨中原有酒泉山接邗運千里雪屯分戍已萬家煙况逢
地主重開徑來往羊求更得便

雪樓復以詩答頗有潦倒之意再疊前韻以慰之

譬如生長此窮邊坡老微詞亦可憐把酒好看松頂雪烹

茶偶試樹根泉

自注西域瑣談口外泉水每自樹根得之

蘊鄉此日多區宅回

部從來喜禁煙

自注回俗多齋食每經旬禁煙

妙諦且參齊物論莊周一

枕自安便

望嘉峪關

矯首雄關瑞靄偏平西有將去朝天

自注時值揚宮保參贊入關

樓臺

勢聳疑霄半金碧光搖儼日邊咫尺身猶萬里外飄零事

感五年前瓜期少滯吾何憾贏得樂同唱凱旋

戊子重陽日偕壺山兄臺山弟暨子姪輩鳳竹禪林

登高卽步臺山弟原韻時余方從塞外歸

精藍近接灑西偏此日登臨思渺然所喜參寥能入社自注

謂也岸上人

自來坡老愛談禪自注謂壺山兄遊心蓬島三千界回首

風塵念七年欄畔此君應我識劈箋吟去續前緣自注余與臺山

昔年讀書於此

聞雁

塞鴻南去別龍堆聞說春初便可回我欲寄書難下筆癡

心翻望送書來

孫教諭鋌

十五首

鋌字子直新化人石溪學博之子乾隆壬子舉人

官興寧縣教諭著有雪園詩集

秋懷

微風西南來，眾樹發地籟。梧葉下庭除，涼爽透衣帶。念茲
比屋情，俯仰富歲賴。農夫告我言，今夏足霽霽。秋來萬寶
成，秔稻紛珠貝。雲碓舂長腰，逸響振鳴瀨。玉粒照筐筥，淨
浮香氣藹。釀酒傾濁醪，炊飯飽粗糲。豈爲口腹營，乞食無
乃太嗟。余生計拙樂，此豐年泰比鄰具。壺漿過從雞黍會，
翦我園中蔬，味逾金齋膾。况覽萬象清，縹渺若圖繪。遠山
含餘光，暮景翳殘靄。鬱鬱眞道友，青松與蒼檜。歸宿定回
園，寄懷勞生外。

七月一日北歸泊舟湘陰

客久迴孤艇，蒼茫無限愁。醉餘燕市酒，歸及楚山秋。木葉
洞庭脫，瀟湘煙水浮。鄉關知不遠，津堠近潭州。

舟泊岳陽夜別曉齋

蒼茫湖水闊，猶記舊歸程。
彈指三年客，回頭萬里情。
片帆天際落，一雁月中鳴。
惆悵秋蕭瑟，相防別淚傾。

秋日理髮

撫景秋蕭瑟，頭輕感髮稀。
疏花添黯黯，老櫛尙依依。
禪榻寒煙暮，滄江落照微。
塵根一梳洗，多病怯風晞。

湖南撫軍節署人咏分體得七律

又一村

中台宿望出維垣，別墅旁開又一村。
地領重湖瞻錫節，星依兩轡駐旌門。
久從泥飲誇田父，親見營農放弩番。
葦熟麥黃風景遍，坐令野色上籬根。

豐樂亭

豐登紀歲得嘉譽亭倚香茆十笏餘五日大醕寬酒禁百
年休養見倉儲人家秋報黃陵廟地脈泉分太乙居高論
定知從擺落園林勝事樂何如

問雨亭

挂梁龍骨響初停問雨關心到草亭屢見甘霖隨大沛况
聞請室減輕刑封田拓地通江夏漕運連檣下洞庭應念
扶風曾志喜太空造物兩冥冥

藝育山房

國事經營藉老謀山房樹藝復深求長沙風物存穉把洲
渚生涯念橘頭兩稅不行唐節度破分兼採宋諸州猶聞

戶口勤 宵旰議佐煌煌 詔列侯

介壽堂

湖湘千里帶巖疆賓從初筵散鶴觴書紀館臣編 盛典
貢來鬻長附華堂峯高南嶽祠壇近角起蒼龍列宿張遠
勝元和潭部事銘詞介福勒巫陽

學灌軒

學灌閒情自葆真小軒休暇岸綸巾定應漢上機心息常
擬膠西泊道醇苦筍豈緣思蜀菜秋風甯復憶吳尊會須
東府調元日宰相堂餐計萬緡

平臺

平臺欄楯掠煙霏幕府清霜有澹威江遠戈船浮古戍日

斜銅柱照邊旗盡知溪峒風謠雜白喜茶鹽奏劄稀記取
浴中尋地室高庵還試蜀公非

疊石

饗軍堂後極崢嶸疊石能令一礮驚桂水潺湲煩給事中
山雪浪識端明閒支琴尾商顏出微漲尊窠島嶼生歸雁
亭詩誰寄和他時回首滑臺情

哭胡寶園

心傷執手已聲吞驚得崇朝惡耗喧白馬淚牽元伯夢青
蠅愁聽仲翔言只今蒿里悲風起終古藤陰醉雨昏記取
壁閒詩句在泠泠長與賦招魂

謁蔡忠烈公祠

岳州屯守議空陳死戰終然要此身手版一官關百姓頭
願三尺謝衰親城臨遠步江初漲霜降長沙草不春青史
相望展同傳熊湘閣裏重傷神

俞贈君趙

九首

趙字升甫號牧堂善化人乾隆壬子舉人道光改
元應 詔舉孝廉方正未就卒以子東枝貴

贈編修贈君性淳摯七齡遭母劉喪擗踊哀慟如
成人祖母彭溧陽故家也少時爲談先世蒼水秋
水警庵諸先生國變時播遷故事輒嗚咽流涕長
以文名於時教諸子義方多發名成業門下尤多
成就詩未見此集刊成時其子岱青侍御東枝始

寄到一冊亟爲增入限於篇幅故所存不多

雜詠

相忍魯爲國傳語諷叔孫人事有乖舛仇怨多於恩指楹
生太息此理不可論陽春布光輝萬象熙朝暉脊令急難
語感歎勞心魂

菊花自開放何嘗知重陽三徑苦遲遲此事關兩腸時令
有順逆花性無炎涼秋色晚亦佳感懷推微霜

展禽

展禽得春氣士師隸秋官以茲不稱職終身屈泥蟠此論
想當然未識古人難枉道既不願阨窮良所安三公非不
貴榮名幾不刊文仲附不朽竊位良可歎試以竊比介豈

不覲強顏不然百世師且立懦廉頑甯與祖禡輩斯夕相
盤桓怙勢多凌人往往嗟蓋棺

過新野謁武侯遺像

南陽當孔道漢相肅清徽敵自甘巾幗公原起布衣圖成
心已瘁食少事難違爲問蕭曹輩誰堪任指揮

寄家書

家書多至十三緘意複詞重柞更芟老我猶然慳紫綬問
兒曾否著藍衫詩書有分緣非薄文字無憑見亦凡檢點
遺編晨夕共總教風味別酸鹹

月下

月下無人更泛觴秋風西苑不勝涼燕臺自昔能憐駿秦

市而今不鬻羊十口幸貽三日穀十山欲斷九迴腸故交
此日還青眼悵我空拳弛更張

丁五夜

四十三年月又圓

自注先君子雜詠詩句

先人手澤尙依然祇今北

道吟詩地何似南塘講易天

自注余年十四隨先君子讀書本邑之南仲塘爲設易

老我劇慚池上鳳

自注先君子爲余命名蓋取超宗有鳳毛之意捫心空著祖生

鞭中庭冷露尋常度卅載光陰一破瓊

漫感

不見諸侯義久傳紛紛投刺漫爭先儻知尺枉尋兼枉須
識王前燭莫前我輩饑寒爭氣骨古來名義要仔肩千秋
鐘鼎非奇事一臈何堪溷大賢

山窗

山窗黃葉下
匆匆牋帙零星亂
捲空頓使慌忙收
破碎一年攪我是東風

萬州同年淳二首

年淳號彈峯華容人乾隆壬子舉人官六安州州
同嘗刻行華容綦世基湘潭夏大觀所輯洞庭湖
志者也其詩雜見志中頗不入格爲刪節二首存
之可傳亦不在多也

君山茶歌

君山之茶不可得
只在山南與山北
巖縫石隙露數株
一種香味那易識
春來長在雲霧中
造物珍重供玉食
李唐

始有四品貢從此遂爲守令職貢物之外豈多有山僧煎
贗徒滋惑泊港諸品無神氣侵晨煮來未昏黑試挹鶴泉
烹雀舌烹來長似君山色以僞亂真世豈無鄉原原爲德
之賊誰能卓識不受欺色香味俱終莫測

巴蛇歌

堯時水患歷九載坐令洞庭成渤澥修蛇蜿蜒長千尺橫
截洞庭肆毒螫吞豕吞象并吞人潮鱷江蜮安足倫帝命
石羿列其腹遂令白骨堆平麓自古乾坤有螫氣水官不
修途苦畏天若不生崇伯子卵育遺害終未已君不見邑
吏貪致邑多鼠邑吏酷令邑有虎妖孽由人不由物造物
難作蒼生主吁嗟乎封豕長蛇莫噓呼肥腸飽腹終受屠

昔之巴蛇惟巴有今之巴地無處無

聶封君肇奎

一首

肇奎字

衡山人乾隆壬子舉人益陽縣教諭

以子鎬敏貴封編修

書事

昔歲過濱陽學宮事修舉云有夏氏媛捐貲構檐宇其時
司鐸翁曹君澹雲甫

官紹

勤珉紀其事并傳節操苦予來

踵司鐸剔碑認芳矩量省織衽力潤色及巒序景仰賢媛

風蘋繁薦篚筮援毫摛片言奕世瞻棟柱我我武潭坊

自

夏媛氏

唐旌不朽同終古

表建坊武潭

一首

方教諭應亮

應亮字晴初巴陵人乾隆甲寅舉人永明縣教諭

越州遣懷

萍蹤到處歎淹留幾度京華又越州是我自甘爲逐客問
誰相勸覓封侯名山入夢花經眼舊事關心月滿樓不信
天涯歸未得湘門舊雨慣窮愁

楊解元丕樹二首

丕樹字 武陵人舉乾隆乙卯湖南鄉試第一

廣東四會縣知縣

春思

何處風光不可憐閒中春思轉纏綿濛濛花影飛蝴蝶寂
寂山城叫杜鵑雞肋久判成逆旅羊脾空復悵華年倦來

涉津書舊集卷之二十三
仍倚黎牀枕夢入槐陰亦惘然

漢宮詞

甲帳樓臺旖旎交珠簾十二捲
螭君王夜醮通靈殿五
利將軍立白茅

吳訓導鯨 十五首

鯨字東湄桂陽州人乾隆乙卯舉人官醴陵訓導
有竹塋樓詩集東湄性曠爽與余同官冷曹遇試
事輒會於省門每過余談詩娓娓不倦同官嫻笑
之不顧也自東湄亡後無復談此事者而余亦匆
匆去官矣檢閱竹塋樓集感慨係之

詠史

三代承黃虞風俗實粹美淳風吹世閒人心乃不死胡爲
周末時忽然成大否貞定歲癸酉左傳記事止顯于歲丁
亥戰國事始此春秋至戰國中隔時有幾百三十三年史
闕事無紀萬事潛變更澆風大披靡從古諸典章埽地皆
盡矣

春秋本亂世俗猶循正軌人知崇信義尊王重典祀聘享
賦詩歌敦族論姓氏赴告有策書會盟遵典禮戰國皆無
之乾坤幾欲毀總此中隔時世變乃至是古今大關鍵捩
此百餘載從茲尙縱橫舉世志廉恥相沿及暴秦乃益靡
所底

士風別一天不隨世隆替盛世或浮薄衰世益淬礪西漢

繼衰周猶襲嬴秦樊孝武重六經師儒道略備大義終未
明喜功急財利發策求賢良醇儒遭摒棄政治儼昇平各
教日墮壞所以新莽時功德彌天地

西京二百年幾人明道詎卓哉光武興首務崇節義哀平
變東京升降一大會士皆重名實獨行能不愧倜儻遜西
都名節過前代明帝復崇儒培植固根蒂末世批政行黨
錮爲患害雜鳴風雨時綱維存正氣撐持宇宙開不知天
地閉權奸闕盜謀屈茲鄙生議大厦傾不頽長隄決未潰
朝局時正屯吾道運方泰

一治復一亂道喪相乘除東京節義數時污道不渝何物
曹阿瞞身爲鬼蜮徒下令徵人才再三求卑污知兵能治

國便足稱士夫舉世遂靡然勢利相詐虞遂成一代俗積
習忘東都一變尙清談羞爲禮法拘禮亡生兵戈羌戎互
僭逾相率臣聰勒四海遭刦屠風俗日衰薄人心日淪胥
所關在世遲此忠難蔽辜區區移漢祚權奸不足誅

韓張亭歌

有序

亭在臨武署後官山頂上考貞元十九年冬昌黎謫陽
山張署謫臨武韓憶昨行詩有憶昔從君渡湘水及陽
山鳥路出臨武之句又祭張十一署文君止於縣我又
南踰則公從湘水由桂至臨以至陽山明矣文又有期
宿界上枕臂欹眠及虎取驂去來寅其徵之語蓋次年
冬公約張會宿臨武界上是夕虎取驂去公曰當賜環

乎張云驀驢子也虎寅屬也來寅其徵矣故今縣南三十里有期宿村此公再至臨武之明徵也今注韓詩者無一語及臨武公祭文中所謂余唱君和百篇在吟安在耶或以題張十一榴花賈井蒲萄三詠爲在臨武作理或然也可知古人紀載湮沒者多矣偶遊期宿村詩以志之竊謂村中當立韓張祠以祀二公不能無望於來者也

名賢到處傳遺跡千載異地猶爭之區區臨武僻南微此亭亦足張聲施憶昔貞元十九載韓張上疏陳荒儀其時兩人官御史同謫縣令來南陲陽山鳥路出臨武憶昨行篇諫可稽君止於縣我南去昌黎祭張文中辭由湘抵桂

至臨武途徑了了無參差次年期宿再至此虎驥徵異同
嗟咨三年作吏鄰咫尺百篇唱和應無疑集中贈張十三
首竟無臨武往來詩蒲萄買井槽花詠莖枯架倒相扶持
屈原井濺明王意潘岳河陽仄陋思可憐此地無車馬僻
邑悲歌理亦宜從知古蹟多湮沒山川亦爲生歎悲作詩
賃公告來哲荒村誰立韓張祠

崇教寺晚眺

禪喜得初地心閒不懺愁山高難入暮樹雜易屯秋落葉
鷺臨水殘霞欲上樓歸來無一事明月扞簾鉤

同友人登晴川閣各以已字爲韻

黃鶴鸚鵡不復返千古晴川對水湄李白來當崔顥後禪

衡生值曹瞞時世人欲殺翻知已有客相思只詠詩江漢
何當流作酒喚公起醉習家池

謁景州董子故里祠廟

羸顛劉蹶幾荒榛議論荀揚總未醇直待百年生董子始
將三策究天人孔林餘藪劫灰冷宋室薪傳道脈真繼往
開來祠宇在那從車庫感平津

柳

困人天氣落花辰往復情多若有因遲日綿綿縈別懣東
風裊裊漾餘春可能作絮衣寒士恰欲開陰陰嗚人爲恐
白頭愁豔雪更將青眼送芳塵

春草

天涯何處不關河二月東風遍踏莎
闈巷捲簾春水綠英
雄失路夕陽多幾時不見遽如許一
碧無情可柰何惟有
書齋懷別趣窗前生意任婆娑

九日姜嶺登高

高閣臨江霧景明蕭騷佳興倚闌生
朔風驅雁不成陣遠
塞屯秋如有城晚節黃花聊強笑冷
官清况得閒行此時
且卻白衣酒甘醴新茶若有情
自注嶺脚有醴泉邑以此得名

劉日三德宣家藏徽宗畫牛絹軸有
蔡京題跋爲賦
二絕句

道君精敏異庸流百事皆能畫更優
盤辟烏犍看妙絕莫
教認作景升牛

柳岸春風吹綠荷，牧童牛背笛聲和。
可堪雪窖冰天裏，還聽蒼茫勅勒歌。

掘仙茅釀酒極佳

蒲林楓柏葉蕭蕭，自荷長鑿掘短條。
贏得杜陵同谷裏，雪深黃獨歎無苗。

李舉人朝宗 二首

朝宗字東之，沅江人。乾隆乙卯舉人。

楚貢亭

禹迹昔瀟川，與岡任土作貢均。
輸將惟楚有材富，林藪抽幹括柏供梯航。
就中菁茅更珍異，特勅包匭時來王。
縮酌涕酒瑟玉瓚，發揮至治流馨香。
商祀周年各底慎，裸獻清

廟陳明堂沿及春秋職貢廢齊桓賁問來遐方此物本是
沆齏結雖少剝足占休祥嗣後漢皇一區宇歷唐涉宋廓
版章祥符之閒稍可紀一莖三脊資烝嘗詔諭沆人廣摺
採天衢藉用盥盥光此時長官悉承旨道途冠蓋遙相望
闢地爲亭瞰江沚邇來千載荆榛荒仙根秀茁識者少瓊
穎含育失所藏惟餘芙蓉及杜若彌漫七澤連三湘我聞
古者重告朔聖賢委宛維宗邦實雖未副各不去愛禮不
啻愛其羊况復包茅隆祀典土物不刪虞與唐葺茅補築
迹已古存此亦足增徬徨又聞貢人如貢物春華秋實惟
其良材不域地邑無小沆芷遠馥光巖廊顧名思義務培
植人官物曲同敷揚平生嗜古好總覈勉學壁箋圖井疆

此亭此貢足千古洞庭東望雲煙蒼

沅江李氏讀書堂用王荊公原韻

詞源涉獵如投晉經畝爬剔如方耕熙寧以前鉅儒起鄴
侯世第題高菴殘山賸水共合沓朱輪我舸相送迎此堂
卽收名不改通典紀自杜君卿

戴舉人文科一首

文科字蒙泉益陽人乾隆乙卯舉人

西亭

依山無數小芳池爲結茅亭一笠宜香滴野塘荷裊露絲
入官道柳垂絲晴天翠護江聲遠午夜泉流月影遲杖履
迨隨閒指點山頭梵宇叩鐘時

孫訓導祚泰

一首

祚泰字

文岡澧州人毅齋學博士遠之孫乾隆乙

卯舉人

寧遠訓導性至孝居母喪以毀卒

和謝向亭學使符生行

嘉哉符生秉心

純真厥聲何籍甚知有其親

解一生年十二

疇則疇效疇歆

之名疇語之孝

解二母病思肉牀榻顛連生

走遍屠門囊中

無錢

解三貧兒手無錢來肉誰與彳亍而歸

淚下如雨

解四

黃者雀遠啄於田赤者鯉深入於淵思古人

之事或亦偶然

解五挹水於流佐水之源翦枝於木保木之

根兒身之肉病

母之殮

解六援刀一割載湘於釜熟而進之

病者豁然瘡

解七兄歸訝弟行蹣跚以遲擱而示之股乃大

哭告母知

八解

母曰嗟我之病俾兒創若一杯羹實使我心

傷

九解

鄰里往看歛歎不已以聞於官僉曰孝子

十解

前之提

學升之膠庠後之提學形於歌章

十一解

律有訓誡爲傷親

體以妨沽名例不予旌禮

十二解

生方童穉篤愛所生不知

所云孝焉計令名

十三解

詩以聲之我心則哀誰無父母能

勿念哉

十四解

洪舉人吉一首

吉字翹岡攸人乾隆乙卯舉人有獻花山房詩存

潭州容舍漫興

萬里銀河一望橫
楚天漠漠雁南征
月明蘆荻難爲影
秋到梧桐自有聲
但看嶽雲青不斷
莫愁湘水碧無情
懷人

江上詩兼酒一枕紅蕤夢未成

唐遠安方耀

四首

方耀字德暉一字春墅邵陽人乾隆乙卯副榜貢
生充鑲黃旗官學教習以知縣分發湖北補遠安
縣知縣有春墅詩集

古廟

蒼翠數株松云是前朝樹老僧遊未歸松子落如雨禪堂
寂無人破壁走蒼鼠倚樹發長吟秋風度荒塢

仲冬偕同人游崑山登雙清亭玩月分韻得冷字

晚風吹曠野木落空山靜出郭二三里梅花香正冷意行
入前村偶過招提境法鼓響深林疏鐘出半嶺小別梵王

家登臨意猶耿危亭對江月坐使埃壘屏樓鳥翻樹光潛
虬動潭影煙中響孤棹前溪歸釣艇

題齋壁

綠楊門巷燕飛初日坐蕭齋樂有餘閒搦眞卿乞米帖更
抄都尉種葱書窗前花氣香成海簾外春山畫不如惆悵
趨庭詩禮訓百年風木愴吾廬

訪友人作

十里青山五里陂獨尋幽谷步逶迤偶忘老友家何處直
過前村路始知隔水幾開榭葉屋當階一架豆花籬入門
靜聽琴聲寂數縷爐煙出戶遲

曾教諭過唐六首

遇唐字衛嬰一字南坡湘陰人乾隆戊申乙卯兩
中副榜官新田教諭有抱膝吟草南坡爲象山大
令光先之子好吟詠自號煙波醉人其華陰道中
云嶽色微茫雲際辨河聲浩淼日邊來極天關塞
通鄉夢碁地風塵壯客懷肅州云五夜蒼茫秦月
色三邊肅穆漢軍聲寒流春繞馬支渡衰草秋連
哈密營頗能作雄壯語

村中雜興

操蹏賽田神斗酒會鄰里野老惠然來相見亦何喜烹庖
雜園蔬陳饋饌四簋苦云耕作難不知城市美茹櫓落日
斜言笑坐還起狼藉傾盃盤顛倒著屣屣散去月黃昏犬

吹柴門裏

儀徵驛

萬里西涼道南來第一程
傲裘衝雪去羸馬踏泥行
帆隱瓜州渡煙圍鐵甕城
獨憐歸雁北還作楚江聲

西湖拜大兄墓

曾記童時拜墓前
蕭條封樹竟茫然
鄉關吳楚三千里
麥飯春秋四十年
泉路二親應不隔
天涯諸弟更誰憐
西湖風景眞如昔
一度鶯花一涕漣

客有避苗匪難來歸者書以贈之

頻年兵燹事悲辛
此日驚逢避難人
儘有豪情供笠屐
何堪衰鬢久風塵
五更杜宇空啼血
三月桃花好問津
老去

才名齊洛社天涯何處不比鄰

春眠

一枕嗁鶯亂千聲喚不醒尋芳人已倦草色夢中青

過二陵

羣山蒼莽控西秦暗谷陰巖若鬼神
畱得舊時風雨在
三
春和雪送行人

沅湘耆舊集

卷第一百二十三

七

沅湘耆舊集卷第一百二十三終